

Handwritten signature and initials in blue ink.

UGOVOR

za nabavku „Pružanje usluga iz oblasti zaštite od požara (PP aparati)“

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička 2 (u daljem tekstu Ugovorni organ), kojeg zastupa direktor, mr.sci.oec.prim.spec.dr. Samir Turković

i
Proving inžinjering d.o.o., Safeta Zajke 115c, Sarajevo (u daljem tekstu Dobavljač), kojeg zastupa direktor, Deović Haris ing. Zop.

PREDMET UGOVORA

Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku “Pružanje usluga iz oblasti zaštite od požara (PP aparati)”, što uključuje održavanje i servisiranje protiv požarnih aparata i ispitivanje ispravnosti i funkcionalnosti hidrantske mreže u Zavodu zdravstvenog osiguranja Kantona Sarajevo (zgrada direkcije u ul. Ložionička br.2 sa Arhivom) i svim poslovnica: (Gradska poslovnica – Novi Grad-Novo Sarajevo, Gradska poslovnica – Centar-Stari grad, Hadžići, Ilidža, Vogošća i Ilijaš) na period od dvije godine, u skladu sa Odlukom o prihvatanju ponude broj: 03-08-Dž.K.-20874-OPP/18 od 16.07.2018. godine, ponudom Dobavljača broj: 2030/18 od 26.06.2018. godine, Pozivom za dostavljanje ponuda broj: 03-08-Dž.K.- 20874-PDP/18 od 20.06.2018. godine i Odlukom o pokretanju postupka broj: 03-08-Dž.K.-20874-OPDS/18 od 20.06.2018. godine.

PREDMET NABAVKE

Član 2.

Ugovorena nabavka je “Pružanje usluga iz oblasti zaštite od požara (PP aparati)”, što uključuje održavanje i servisiranje protiv požarnih aparata i ispitivanje ispravnosti i funkcionalnosti hidrantske mreže u Zavodu zdravstvenog osiguranja Kantona Sarajevo (zgrada direkcije u ul. Ložionička br.2 sa Arhivom) i svim poslovnica: (Gradska poslovnica – Novi Grad-Novo Sarajevo, Gradska poslovnica – Centar-Stari grad, Hadžići, Ilidža, Vogošća i Ilijaš) na period od dvije godine, u skladu sa Pravilnikom o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja („Službene novine Federacije BiH“ 46/11) koje moraju da zadovoljavaju tehničke karakteristike i količine kako je navedeno u sljedećoj tabeli:

Red. broj	NAZIV	Jed. mjere	Količina
1.	Periodični pregled aparata za početno gašenje požara (obaveza svakih 6 mjeseci)	kom	49
2.	Kontrolni pregled aparata za početno gašenje požara tip P (obaveza svakih 5 godina)	kom	5
3.	Ispitivanje ispravnosti hidrantske mreže (obaveza svakih 6 mjeseci)	kom	17

OBAVEZE UGOVORNIH STRANA

Član 3.

Dobavljač se obavezuje pružiti usluge koje su predmet ovog ugovora, koje kvalitetom u svemu odgovaraju karakteristikama preciziranim u Pozivu za dostavljanje ponuda broj: 03-08-Dž.K.-20874-PDP/18, na način i u rokovima regulisanim ovim ugovorom i ponudom Dobavljača na adresu koju odredi Ugovorni organ.

Handwritten signature in blue ink.

Član 4.

Ugovorni organ se obavezuje da nakon pružene usluge, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim u Odluci o prihvatanju ponude broj:03-08-Dž.K.-20874-OPP/18, ponudom Dobavljača broj: 2030/18 od 26.06.2018. godine.

Član 5.

Cijena nabavke usluga koje su predmet ovog ugovora iznosi **1.194,00 KM bez PDV-a**, odnosno **1.396,98 KM sa PDV-om** za period od dvije godine, prema tabelarnom pregledu:

R.b	Naziv i opis	Količina	Broj pregleda za ugovor (2. godine)	Jedinična cijena bez PDV-a	Ukupna cijena bez PDV-a
1.	Periodični pregled aparata za početno gašenje požara (obaveza svakih 6 mjeseci)	49 kom	4	5,00	980,00
2.	Kontrolni pregled aparata za početno gašenje požara tip P (obaveza svakih 5 godina)	5 kom	1	2	10,00
3.	Ispitivanje ispravnosti hidrantske mreže (obaveza svakih 6 mjeseci)	17 kom	4	17	204,00
Ukupna cijena bez PDV-a					1.194,00
Popust					/
Ukupna cijena sa popustom bez PDV-a					1.194,00
PDV na cijenu ponude (sa uračunatim popustom)					202,98
Ukupna cijena sa PDVom					1.396,98
Ukupna cijena sa PDV-om riječima: Hiljadutristotinedevedesetšest i 98/100					

Dobavljač se obavezuje da će usluge iz stava 2. ovog člana pružiti po ukupnoj cijeni u kojoj je uračunat PDV, i svi drugi zavisni troškovi.

Član 6.

Plaćanje izabranom ponuđaču će se izvršiti nakon dostavljenosti ispravne fakture za pružene usluge, na žiro račun ponuđača, u roku do 60 dana od dana dostavljanja ispravne fakture i Zapisnika o svakom izvršenom pregledu i ispitivanju aparata iz člana 10. Pravilnika o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja („Sl.novine FBiH, broj: 46/11) koji će ujedno biti i osnov za plaćanje.

PRUŽANJE USLUGE

Član 7.

Usluge koje su predmet ugovora, Dobavljač je dužan pružiti u roku do 7 dana (sedam) dana od dana dostavljene narudžbenice.

45

Sve usluge koje su predmet ugovora, moraju biti pružene u skladu sa Pravilnikom o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja („Sl.novine FBiH, broj: 46/11).

Član 8.

Dobavljač ima pravo na produženje ugovorenog roka ako je u izvršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

NAKNADA ŠTETE

Član 9.

Ako Dobavljač zakasni sa pružanjem usluge, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

Ako Dobavljač zakasni sa izvršenjem usluge iz razloga koji nisu obuhvaćeni članom 8. ovog Ugovora, Ugovorni organ će Dobavljaču plaćanje po fakturi za uslugu u kašnjenju umanjiti za 20 %.

Član 10.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

Iznos obračunatih penala po osnovu zakašnjenja u ispunjenju ugovorenih obaveza i naknade prouzrokovane štete iskazane kroz novčano potraživanje, međusobno se ne isključuju.

PRESTANAK UGOVORA

Član 11.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana.

Član 12.

Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvršava ugovorne obaveze
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u izvršenju usluge ili isporuci robe koje su predmet ugovora takvo da može dovesti u pitanje izvršenje ugovora.

Zbog zaostajanja u izvršenju isporuke robe ili pružanju usluge, Ugovorni organ može raskinuti ugovor samo ako je do zaostajanja došlo krivicom Dobavljača.

Ukoliko se ugovor raskine zbog krivice Dobavljača, prije izvršenja ugovornih obaveza, Dobavljač je u obavezi platiti Ugovornog organu štetu u iznosu od 40 % od ukupne ugovorene cijene iz člana 5. ovog Ugovora.

Član 13.

Ugovorni organ će raskinuti ugovor sa Dobavljačem ukoliko se ustanovi da pružena usluga koja je zadovoljila zahtjeve u ponudi, nije jednaka pruženoj usluzi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20 %.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida

OSTALE ODREDBE

Član 14.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 15.

Dobavljač nema pravo zapošljavati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 16.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 17.

Ovaj Ugovor se potpisuje na period od dvije (2) godine, od dana obostranog potpisivanja.

Ukoliko ugovorne strane ne potpišu Ugovor na istovjetan datum, danom stupanja na snagu ovog Ugovora ima se smatrati kasniji datum potpisa.

Član 18.

Sastavni dio ovog ugovora su:

- Poziv za dostavljanje ponude broj: 03-08-DŽ.K.-20874-PDP/18 od 20.06.2018. godine
- Odluka o prihvatanju ponude broj: 03-08-DŽ.K.-20874-OPP /18 od 02.07.2018. godine
- Prihvaćena ponuda ponuđača broj: 2030/18 od 26.06.2018. godine.

Član 19.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ

PROVING INŽINJERING D.O.O


Deović Haris ing. zop



Broj: 2270/18
Datum: 11.07.18

UGOVORNI ORGAN

ZAVOD ZDRAVSTVENOG OSIGURANJA
KANTONA SARAJEVO


Mr.sci.oec.prim.spec.dr. Samir Turković

Broj: 03-08-Dž.K.-20874-UG/18
Datum: 10.07.2018. godine